

ՄԻՋՆԱԴԱՐՅԱՆ ՄԻ ԱՆՏԻՊ ՈՂՐ

(«Տաղ Ստեփանոսին»)

Պ. Մ. ԽԱՉԱՏՐՅԱՆ

Հնամյա հարտարապետության շատ հուշարձանների նման մեր հին բանաստեղծության բազմաթիվ նմուշների ավարտուն շինվածքներ ժամանակի ընթացքում զրկվել են իրենց ամբողջությունից. կորցրել են տողեր, անդամ մեծ ու փոքր հատվածներ, տաղարաններում ընդօրինակվելիս հաճախ մշակվել ու յուրովի ճշգրտվել են հետադա գրիչներից՝ եթե նրանց գաղափար օրինակներում նկատվել են գրչագրական ակնհայտ սխալներ կամ առկա են եղել խճողված ու անհասկանալի տեղեր։ Այդ ճանապարհով էլ ծնվել են միևնույն գործի ձեռագրական տարբեր օրինակներն ու խմբագրությունները։ Նույն քսիտին է արժանացել նաև «Տաղ Ստեփանոսին» երկը, որը մինչև այժմ անտիպ է։ Պահպանված էրեք ձեռագիր օրինակներով ներկայացնում են նրա սոսկ թերի բնագիրը, որը, ըստ երևույթին, կազմում է ողբի սկզբնական ծավալի մեկ երրորդը միայն։ Չնայած բեկորյալ վիճակին՝ ողբը որոշ նյութ է տալիս ճիշտ պատկերացնելու դրամատիկ դեպքերով հարուստ միջնադարյան հայ իրականության ինչ-որ կողմեր. իր գեղարվեստական կատարելությամբ ևս այն արժանի է պատշաճ ուշադրության։

1

Ողբի նյութը վերցված է ավատական ընտանիքի ոլորտից։ Լարազատների արյունոտ լարարքների պատկերման հենքի վրա հեղինակը կարողացել է ցուցադրել մարդկային հոգեվիճակներ՝ ծանր ապրումներ, անմխիթար վիշտ և տառապանք կորսված կյանքի համար։

Ահա զույրն ասեմ տէր Ստեփանոսին.

Եոբա՛ւր, յոսեցէ՛մ ևս առաւ զմահ տաւածամին.

սկսում է ողբասացը և ընթերցողին նախապատրաստում ծանոթացնելու տխուր անցքին։

...Անհայտ է, թե ում սաղրանքով՝ Սյունյաց պարուտեր Ստեփանոսն սպանում է իր խորով մորը՝ էլխովի։ Բանասարկուները կամ ինչպես ասված է ողբում՝ «զինուորքն չարին» զնում են նրա «մեծ դիւան» հոր մոտ, զգուշացնում, որ որդին, իբր, գալիս է սպանելու նաև նրան։ Նրանք հորից խնդրում են իր որդուն սպանելու վճիռ արձակել։ Հայրն ի վերջո միաբանում է նրանց և դառնում որդեսպան։

Չորեքշաբթի առավոտ է։ Կատարվածին անտեղյակ մայրը պահում է որդու ճամփան, և հանկարծ՝

Բերին օրվեցին արիւնոտ զգլուխն ի մօրն զոգին։

Ինչպես տեսնում ենք, բախումը կատարվում է հիմնականում մի ընտանիքի ոլորտում, սակայն ընտանեկան ու նեղ թվացող դրամայի մեջ բեկվել է միջնադարի պատմությանը բնորոշ մի էջ։ Հաճախ է պատահել, որ օտար տիրապետողների պահանջով կամ այլ դրդապատճառներով հայ (և ոչ միայն հայ) իշխանական տների որոշ ներկայացուցիչներ, դիրքի և պաշտոնի մղումով կամ մահվան սարսափից, դիմել են ոճրագործության՝ հաշվի չառնելով անգամ արեւակցական կապերը։ Հայտնի է IX դարում արաբական ոստիկան Բուղայի դրդմամբ իր եղբորն սպանած Համամ Արևելցու շարականը, որի մեջ արտահայտված է նրա ապաշխարանքը.

1 Ողբի բնագիրը տե՛ս Երևանի Մաշտոցի անվան Մատենադարանի № 3884 (էջ 139ա—140բ), 2676 (էջ 184բ—185բ) և 697 (էջ 56բ—58ա) ձեռագրերում։ Մեջբերումները կատարվում են այս երեք օրինակների համեմատությամբ մեր կազմած քննական բնագրից։

Արեւ տնօրէնէ կոչեցին զիս հալոցողի ստեւն մահու...
 Մեծ են յանցանք իմ, տէ՛ր, զոր զործեցի յահէ մահու,
 Հրամանաւ իսմայէլեան բռնաւորին
 Երաղեցի հեղուլ զարին եղբարն...²

Նույնպիսի մոայլ մի անցքի արտացոլում է և Ստեփանոսի ողորւ Շատ բան որոշակի չի տսված այնտեղ (հավանաբար ասված է եղել, բայց չի պահպանվել)։ Զրացահայտված է մնում էլիսութիւնի ով լինելը. գուցե նա մոնղոլ մահմեդական է եղել, որի հետ, ինչպես պարտուպատշաճ էր էլիսանության վարչական ապարատում բարձր պաշտոնների հասած հայ ու վրացի շատ իշխանավորների, Ստեփանոսի հայրը հարկադրված էր եղել կրկին ամուսնանալ ամրապնդվելու համար «մեծ դիւանի» դիրքում։ Այդ ամուսնությունն էլ, թերևս, առիթ էր տվել արյունոտ հետևականների։ Հարազատ մոր կենդանությամբ այլազգի խորթ մայր ունենալու քրիստոնյային անպատվարեր ու հակաբարոյական վիճակը որդուն թշնամացրել է հոր հետ։ Դեմ-հանդիման կանգնել են հայրը՝ անձնական բարօրության ու դիրքի «խոհեմ» ընթացքով, և որդին՝ քրիստոնյա մարդու և հարազատ մոր պատվի շահախնդրությամբ։ Մենք չգիտենք նաև, թե ի՞նչ պարագաներում է, որ պարոնտեր Ստեփանոսը միտվել է սպանելու իր մայրացուին։ Ողբագրի այն ասածը, թե՝

Բարբառեալ բարձին զխելրն խիկարին.
 Նստուն սպանանել զիւր մօրուն. հօր աչից հանիս,—

շատ է ընդհանուր ու շնորոշ և չի բացում կատարվածի գաղտնիքը։ Ովքե՞ր են եղել Ստեփանոսին խելքամաղ անողները՝ հնարավոր չէ կոահել։ Ողբասացի ցասումը, իսկապես, նրա՛նց դեմ է ուղղված։ Նրա՛նք են մեղսագործները և ոչ թե որդին կամ սրան մահապատժի ենթարկելու հրաման արձակած հայրը։ Եվ ողբի սկիզբը Ստեփանոսին արդարացնելու համար է գրված։ Առաջնորդվելով «հանդերձալ» կյանքում «այն ծածկագիտին» պատասխան տալու հավատքով, այն գաղափարով, թե ինչպես Ֆրիկը կասեր,—

Յերկու դիմաց ինք պարտական,
 Լիկ՝ աստճիս, միկ՝ անդլին,—³

հեղինակը էլիսութիւն սպանելու մեղքի ծանրությունը, ինչպես նկատեցինք, դնում է նրանց վրա, որոնք Ստեփանոսին մղել են չարագործության։

Զափազանցած չենք լինի, եթե ասենք, որ ողբում զուսպ սեր է արտահայտված «աստնվորի» կյանքի հանդեպ։ Կյանքը համեմատված է դրախտի հետ, որից զրկվում է հերոսը։

Աղամն՝ առաջին ստեղծուածն անեղին,
 Պատրանօք շարին ի դրախտին հանեալ վանեցին։

Այս է, զոր խաբեաց զԱղամն և ասուց.
 «Երկ կերիցես ի պարտույն՝ դու լիցիս աստուած»։

Ողբն աչքի է ընկնում հորինվածքի պարզությամբ ու բնականությամբ, ժողովրդական մտածելակերպով։ Իրեն գրական տեսակ այն որքան էլ համանման է XV—XVII դարերում ստեղծված պատմական թեմայով մյուս ողբերին, այնուամենայնիվ, նաև տարբերվում է նրանցից կյանքի գեղարվեստական դրսևորման մի կարևոր առանձնահատկությամբ։ Մինչդեռ նրանցում իրադարձությունները վերարտադրվում են ընդհանուր նկարագրությամբ, իրենց համայնապատկերով, և առանձին հերոսները գրեթե տեղ չունեն,— «Տաղ Ստեփանոսինը», ընդհակառակը, թվում էրանցում «Տաղ քաջի Վիպարիտին»-ի նման իրականությունը պատկերում է գլխավորապես մասնակի անձանց գործողությունների միջոցով, ընդ որում մեր ողբերին այնքան հատուկ հուզականությունը այստեղ կատարվածի առթիվ հեղինակի արտահայտած քնարական շեղումներով, շեշտված գնահատումներով ու խորհրդածություններով չի պայմանավորված միայն, այլև հերոսների հոգեվիճակների բացահայտմամբ։ Վիպական պատումը ներթափված է և՛ գործող անձանց,

² Տե՛ս 4. Կ ո ս տ ա ն յ ա ն ց, Համամ Արևելցի, Վաղարշապատ, 1896, էջ 8։

³ Ֆրիկ, Դիվան, ի լույս ընծայեց Տիրա. արքեպիսկոպոս, Նյու-Յորք, 1952, էջ 426։

Ա՛ որասացի անսքող հույզերով, որ հայտարարն է այն բանի, թե պատկերվող անցքը ինչքան խորն է վերապրել հեղինակը:

Անկասկած է, որ Լիպարիտի և Ստեփանոսի մասին ողբերում հերոսները դեռևս հեռու են բնավորություն և անհատ լինելուց, նրանց առանձին հոգեվիճակները դեռ չեն հանգում անհատական հոգեբանության, բայց մյուս ողբերի նկատմամբ այդ երկերի առավելությունն այն է, որ գրանցում դեպքերը ներկայացվում են մասնակի հերոսների, նրանց արարքների և հույզերի պատկերմամբ, թեև, նորից ենք նշում, դեռ չի հայտնաբերված բնավորությունը, գեղարվեստական և մարդկային անհատականությունը, որը, ինչպես հայտնի է, ռեալիստական գրականության նվաճումն է:

2

«Տաղ Ստեփանոսին» ողբի հուզական հագեցվածությունը պայմանավորված է նրա վիպական կողմի դրամատիկ լարվածությամբ, հերոսների կարճ, բայց ազդու խոսքով և հեղինակի քնարական շեղումներով: Ողբասացն առանձնակի ուշադրություն է դարձրել մարդկային ներաշխարհը բացահայտելուն:

Ահա Ստեփանոսի հայրը: Առանց այն էլ հոգեխռով ու տանջալի ապրումներ են համակել նրան, մինչ բանսարկուները նրան մղում են ոճրագործության: Վարպետությամբ է գծված աստիճանարար շար մարդկանց պահանջին համակերպվող հոր հոգեվիճակը:

Դեռևս կնոջ՝ էլիսուլուի կորստյան մեծ վշտի մեջ է նա, բայց տագնապով գուժում են, թե որդին այժմ էլ գալիս է նրան սպանելու: Դրանք նրա պարոնտեր որդու թշնամիներն են. հույս ունեն, որ դատավոր հայրը կպատժի նրան: Այնպես են հայտնում լուրը, որ կարծես իրենք մտահոգված են «մեծ դիտանի» կյանքի համար: Բայց վերջինս, որքան էլ վշտահած որդու արարքից, այնուամենայնիվ, սիրում է նրան.

Երեցաւ զերին, շնաւատայր բանին.

«Մի՛ զիս ձեռնամուխ ւռնիցէ՛ք, այս է իմ ուղին»:

Անակնկալ պատասխանի վրա զարմացած և չկռահելով «օրենքի» մարդու վարանման բուն պատճառը՝ բանսարկուները ջանում են հանգստացնել նրան. թող ինքը նեղություն չթաշի, թող քրե՛նց հանձնարարի, իրե՛նք կպատժեն Ստեփանոսին, և հայրն ամենևին էլ չի՛ վարկաբեկվի.

«Տո՛ւր ի մեզ, զի սպանցուք այսօր քո զուգին»:

Նրանք չեն ըմբռնում, որ դատավորի մեջ դեռ ուժեղ է հայրական սիրո զգացումը:

Առայժմ հոր հոգում կռվում են մարդն ու իշխանավորը, և առաջինը նկատելիորեն զորեղ է երկրորդից: Դեռևս նա համառում ու հրաժարվում է անմարդկային պահանջը կատարել, տառապում Եւ լուռ լալիս է որդու բախտի համար.

Դուլաց վերբստին, լայր սիրտն ի փոքին.

«Քահանա[յա]լետ է, ասէ, կարգէն պատկառիմ»:

Բանսարկուներին հայտնի է դառնում, որ այդ ձևով Ստեփանոսից վրեժ լուծելն անհնարին է: Եվ անհա երևան է գալիս վերջին միջոցը.

«Եթէ ո՛ւ տայցես մեզ հրաման՝ մեռցիս ընդ նրմին»:

Այսինքն՝ սպանիր, որ չսպանվես: Ի վերջո օտարին ծառայագրված մարդու մեջ հաղթում է մորթապաշտությունը. հայրը նախընտրում է դավաճանել խղճին և որդուն հանձնել նրա թշնամիների հաշվեհարդարին:

Դա՛ն եղեալ՝ բանին վրճիւրն ճատին:

Ասէ. «Դո՛ւք տուցիք պատասխան այն ծածկագիտին»:

Ողբասացը ժլատ, բայց մեծիմաստ տողերով կարողացել է բացահայտել հոր ծանր ապրումները, նրա հոգեկան դրաման: Ի տարբերություն միջնադարյան շատ վիպական ստեղծագործությունների հերոսների, որոնք հենց սկզբից կա՛մ անբիծ բարությամբ, կա՛մ էլ անխառն չարությամբ են օժտված, նրան հատուկ է հակասականությունը: Նա «ի ծնե» չար չէ, այլ այդպիսին է դառնում բարդ տատանումների ճանապարհով:

Տպավորիչ է նաև Ստեփանոսի մայրը:

Գիտենք, որ միջնադարում կինը դիտվում էր իբրև թուլասիրտ, թուլամիտ ու բազմադետ միջակ և այդ հաճախ այն պատճառաբանությամբ, թե համաձայն աստվածաշնչյան ավանդության՝ նախամայր եվան, ըմպելով «յիմարութիւն» և «մոռացութեան» գինին, թուլութիւն էր ունեցել ուտելու արգելված պտուղը և պատճառ էր դարձել, որ մարդը զրկվեր առասպելական դրախտի բնակիչ մնալու հաճույքից։ Հնօրյա գրականության էջերը գինու և կնոջ մասին լի են պարսավական ու անողոր դատողություններով։ Բայց շատ հաճախ, երբ գրողը զանց էր առնում դրախտ կորուսյալի սխեման, առաջնորդվում կյանքի պատկերներով և հումանիստական մոտեցումով, նկատի առնում տառապող ու հայրենասեր, բազմաշնորհ և մեծ սիրո ընդունակ կանանց,—գրականության մեջ երևան էին գալիս այնպիսի հրապուրիչ հերոսուհիներ, ինչպես Փառանձեմը՝ Փափստոսի, Սաթենիկը՝ Խորենացու, Կախարարների կանայք՝ Նդիշեի մոտ, Նրզնկացու, Թլկուրանցու և Աղթամարցու քնարերգության մեջ երգված գեղուհիները, նաև Ստեփանոսի մայրը՝ այս ողբում։

Սա ուժեղ և համարձակ կին է, հանուն ճշմարտության ու հաշվեհարդարի աստծու վրեժխնդրությունը հայցող։ Մեծ բնականություն կա նրա լացում, որ անդարձ կորստի ափսոսանք չէ միայն, այլև բողոք ու դժգոհություն բախտից։ Նա մեկ ծնրադրում, բայց մեկ էլ ծառս է լինում՝ երկնքի դիմաց, որովհետև զրկվել է իր հույս ու ապավենից։ Ողբի այդ հատվածը ոգված է իբրև տխուր մի բայաթի։

Լայր մայրն և ճըշէր. խընդըէր գիւր ուղիւն,
Ողբայր, ճառաշէր, զալաւէր աղիւիւն և վառիւն։

...Մունը ածէր իւր մէրն դէմ աւաւոդիւն.
«Աստուած, դու գիտես, որ էս մէկս, էլ ուղի չունիմ»։

...Հայէր ի յերկիւնս յոյժ աւտասուաղիւն.
«Արե՛, մի՛ ծագէր դու այսօր՝ չտեսնում զիմ ուղիւն»։

Համբարձեալ ըզձեռն դէմ աւաւոդիւն,
Զգոգն աւեամբ լըցեալ և խընդըէր վրէժ սպանողիւն։

Թվում է՝ մայրը հավատում է խոսքի ու անեծքի թովիչ զորությունը, համոզված է, որ իր պաղատանքով պիտի պատժվեն ողբուն սպանողները։ Սպանված ողբուն, արևին ու աստծուն ուղղված հոնտորական դիմումները նրա խոսքին տալիս են անկեղծ հուզականություն։ Հայտնի է, որ ամենահին դարերից սկսած հուղարկավորության ժամանակ լալական կանայք հատուկ եղանակով ու նվագով աշխար ու կոծ էին բարձրացնում՝ կենդանի մնացածների մեջ խանդաղատանք ու մրմուռ առաջացնելով մեռնողի հանդեպ։ Նրանք հանգուցյալի մահվան պատմությունը զուգահեռ հմայիչ համեմատություններով կատարում էին նաև նրա անձի փառաբանությունը։ Ստեփանոսի մայրը ևս, կարծես, ողբուն կորցնելու անփարատելի կսկծից բանահյուսդարձած վիպական ժամանակների մի եղբիմայր լինի, որը մարմնական ու հոգեկան անսահման տառապանք է ապրում։ Նրա լացի պատկերը երգի ամենաազդու կտորն է, ճարտասանական արտահայտությամբ ասած՝ նրա «կրիչ տեղին»։

Ողբում Ստեփանոսն ինքն իր անունից երբեք հանդես չի գալիս, ոչ մի անգամ չի լսվում նրա ձայնը, բայց հեղինակը կարողացել է նրան ճանաչելի դարձնել ինչպես մոր լաց-գովասանքի, այնպես էլ իր քնարական շեղումների միջոցով։ Այդ հատվածներում մասամբ բացվում է հերոսի «կենսագրությունը», գծվում նրա դիմանկարը։ Ողբասացը ցանկացել է իրեն ունկնդիր «եղբարց» բերելի դարձնել Ստեփանոսին։ Եվ խոսք ու համեմատություն չի խնայված նրան նկարելու առաջին շքեղ, նույնիսկ արևելյան գունագեղությամբ։

Զայն բոլոր Երեսն տէր Ստեփանոսին
Ուրպէս քէ լուսին էր բոլորած ի տասնունինգիւն։

[Զ]այն ծով-ծով աշէրն տէր Ստեփանոսին
Ուրպէս ո՛ւր կանթեղ էր վառած ի մէջ տսնսւրին։

[Զ]այն կամար ունէրն տէր Ստեփանոսին
Ուրպէս քէ Բաւած էր կամար աւաղ խորանին։

Ստեփանոսի արտաքինի այս դովերգումը, եկեղեցական ատրիբուտների մեղմ շաղախով հանդերձ, անվիճելի հարազատություն ունի ժողովրդական բանավեպերին։ Հերոսի մարմնական բարեմասնությունների թվարկումը հեղինակը կատարել է այն նպատակով, որպեսզի ցույց տա մահվան բերած ավերքը, մարդու առինքնող շինվածքի խորտակումը։ Կյանքի և մահվան այդ-որինակ հանդիպադրումը բնորոշ է նաև ժողովրդական վիպական երգերին։ Թունավորված Մուկաց Միրզայի համար, օրինակ, վիպերգում ասված է.

Խրքավ բալակ աշևեր, կախավ լամեն,
Խափավ մոռուսեն,
Խափավ մազեր կարմիր երեսեն,
Խափավ բեղեր նագիկ պրոկեն,
Խափավ դեղին ջուր սպիտակ լեշես՛,

Մահվան առաջ տեղի է տալիս նաև Ստեփանոսի գեղեցկությունը.

Խառմեցաւ ծաղիկն. կն վսւրցն ի բրփին.
Կարմիր ու սպիտակ իւր երեսն դարձաւ ի դեղին:

Ողբի եզրափակիչ տողերին հաջորդում է մի իմաստավոր տեսարան. արևածագին լացող մոր ձայնը վրդովել է նաև Ստեփանոսի ձիու անդրերը. «ա կենդանական բնազդով կռահում է տիրոջ գլխին եկած փորձանքը։ Մեծ վիշտը համակել է այդ «բօզ-բաղալիին», որ ծառս է լինում, կտրում շղթաները, դուփում ախոռի սալարկին։ Նա խոսում է ինչպես մի բանական արաբած, խրխնջում է և աղիողորմ կանչում, որ բացեն դռները.

Խորխոնջէր իւր ձիւն, այն բօզ-բաղալիս,
Կոխէր և կրտէր զպխաւուն, սալաւկն յախոռին:

Խօսէր մէկ աղին. «Բացէ՛ք զղլուրնիւն,
Որ եւրամ հասնիմ օգնական Սիւնեաց իշխանին»:

3

Ողբի գրական արժեքին ծանոթանալուց հետո անհրաժեշտ է ուշադրություն դարձնել երկու կարևոր հարցի. ո՞վ է նրա հեղինակը, պատմական ի՞նչ դարաշրջանի հետ է կապվում նրա բովանդակությունը։ Բանն այն է, որ բնագրում բուցակայում է հեղինակի անունը, և չի ականարկվում որևէ ժամանակ ու թվական, իսկ պատմագիտական հայտնի աղբյուրները չեն պարունակում որևէ վկայություն՝ անկասկած նշանավոր եղած նրա հերոսի անձնավորության և զոհվելու հանգամանքների վերաբերյալ, որը յուրովի կնպաստեր ի հայտ բերելու ողբասացին։ Բայց ողբը բոլոր կովաններ է ընձեռում գեթ մոտավոր կերպով որոշելու արտացոլված ժամանակը և ենթադրություններ անելու հեղինակի ով լինելու մասին։

Այնտեղ հիշվում է ինչ-որ Սյունյաց բերդ, հերոսը ևս համարվում է Սյունյաց իշխան Ն պարոն, տեր և փառանայալետ, իսկ օրինակներից հնագույնի խորագրում՝ Սյունյաց Լպիսկոպոս։ Հերոսի Ստեփանոս անունը շատ բնորոշ է Սյունիքի Օրբելյան տոհմին. XIII—XV դարերում այդ անունն են կրել հիշյալ տոհմի աշխարհիկ և հոգևոր մի քանի ներկայացուցիչներ, որոնցից ոչ մեկը, սակայն, չի նույնանում ողբի հերոսի հետ։ Իայց վերջինիս պատմական անձնավորություն լինելը կասկած չի հարուցում, մանավանդ որ երկում նրա մասին ասված է.

Խազուր կր քախքին այն Սիւնեաց բււրդին.
Նա զհումն բռաւան կու վաւէր զաւետաւանին:

Ուրեմն եպիսկոպոսական և իշխանական նրա նստավայրը եղել է Սյունյաց մի բերդ։ Բերված երկրորդ բանատողը վկայում է, որ նա իր իշխանությունն ու օրենքը («հուքմես») վարել է ավետարանի ոգով («բռաւան զաւետարանին») կամ ըստ միջնադարի քրիստոնեական ըմբռնման՝ գործել է ճիշտ ընթացքով։

⁴ «Հազար ու մի խաղ», առաջին հիսնյակ, կազմեցին՝ Կոմիտաս վարդապետ և Մանուկ Աբեղյան, երկրորդ տպագրություն, Վաղարշապատ, 1904, էջ 64:

Մտեւանոսի անցյալի մասին ևս ակնարկ կա. հեղինակային խոսքում վերհիշվում է, որ նա մի ժամանակ Թավրիզում ծառայելիս է եղել հեծելազորում:

Թավրիզ քաղաքին զարդ էր հեծելին...

Ապա ողբի եզրափակիչ տան մեջ նշվում է Նղեգնաձորը («Նղեգն[ա] ձոր...»)՝ անկասկած հերոսի հայրենական գավառը, ուր ապրելիս է եղել նրա մայրը: Այդպիսով, երկում արտացոլված միջավայրը Արևելյան Հայաստանն է, ավելի կոնկրետ՝ Պարսկաստանին սահմանակից Սյունյաց նահանգի Վայոց ձոր գավառը, Նղեգնաձորը, և մասամբ Ատրպատականի Թավրիզ քաղաքը՝ ավելի վաղ անցյալի համար:

Հարց է ծագում. ինչպե՞ս է պատահել, որ զինվորականի ուղին ընտրած Ստեփանոսը հետագայում դարձել էր հոգևորական, ի՞նչ հանգամանքներ էին ստիպել հեծելազորայինին մտնելու եպիսկոպոսի գերի մեջ: Դիտված է, որ մոնղոլական տիրապետության ժամանակներում և ավելի ուշ հայ եկեղեցու պաշտոնյաները վայելում էին օտար նվաճողների հովանավորությունը, օգտվում որոշակի իրավունքներից: Եկեղեցական կալվածները հիմնականում հարկման ենթակա չէին, թեև պետական հարկահանները երբեմն ոտնահարում էին նաև այդ արտոնությունները: Հոգևոր տերերի ունեցած իրավունքները, բնականաբար, հրապուրում էին հայ աշխարհիկ ֆեոդալներին. որոնց նկատմամբ օտար տիրապետողները զործադրում էին նրանց իրավունքների սահմանափակման և տիրույթների բռնագրավման քաղաքականություն: Եվ ահա XIV—XV դարերում խոշոր շափերի է հասնում մի երևույթ. հայ իշխանական տների ներկայացուցիչներից շատերը օտարազգի բռնակալների սեփականման և հարկման ախորժակից փրկելու նպատակով իրենց ժառանգական կալվածները «վակֆ» էին անում (նվիրաբերում էին) եկեղեցական հաստատություններին, իսկ իրենք ընդունում հոգևոր կոչում՝ նոր ձևով պահպանելով իրենց սեփականատիրական իրավունքը: Ինչպես դիպուկ կերպով նկատել է պատմաբան Լ. Խաչիկյանը՝ «կյանքի է կոչվում սոցիալական մի նոր տերմին»՝ «պարոն-տէր», որը հատկացվում է բոլոր այն հայ կալվածատեր-ֆեոդալներին, որոնք շարունակում էին իրենց ձեռքում պահել իրենց հայրենական կալվածքները, լինելով միաժամանակ և՛ «պարոն» (այսինքն՝ աշխարհիկ իշխան), և՛ «տէր» (այսինքն՝ հոգևոր առաջնորդ)⁵:

Մեր համոզմամբ աշխարհական պարոնից հոգևոր առաջնորդ դարձած Ստեփանոսի անցած ուղին պատմական նույն երևույթի հետ է առնչվում: Տեսանք, որ ողբում նրա մասին խոսվում է և՛ իբրև Սյունյաց իշխանի, և՛ իբրև եպիսկոպոսի (կամ քահանայապետի), ըստ այդմ էլ նա ներկայացվում է մերթ «պարոն», մերթ էլ «տէր» հարգական կոչումներով, այսինքն՝ «պարոն-տէր»⁶: Լինելով հայ իշխանական տոհմերից մեկի ներկայացուցիչ (հավանաբար՝ Սրբելյան), հանուն հայրենական կալվածների անբաժան տիրակալության՝ նա երիտասարդ հասակում համակերպվել է հոգևորականի սքեմ կրելու և եպիսկոպոսի դիրքում մնալու՝ երբեմնի վինվորականին այնքան խորթ պարտիքին:

Ստեփանոսն ապրած պիտի լինի XIV դարում, ոչ ուշ, քան մինչև XV դարի սկզբները, որովհետև ողբի երեք օրինակներից հնագույնը⁷ 1461 թ. ընդօրինակություն է, թերի մի բնագիր՝ ապացույց այն բանի, որ ամբողջական ողբն այդ թվականից շատ ավելի վաղ է ստեղծվել: Համենայն դեպս բավական երկար ժամանակ էր հարկավոր, որպեսզի ձեռագիր ժողովածուներում արտագրվելու ճանապարհով այն կրճատվեր ու այդքան պակասավոր դառնար:

4

Նույն ժամանակահատվածում էլ պետք է որոնել ողբի հեղինակին: Կասկածից վեր է, որ նա Սյունիքի հետ կապված ստեղծագործող է եղել. ողբում անդրադարձված գործողության տե-

⁵ «Ժն դարի հայերեն ձեռագրերի հիշատակարաններ», մասն Բ, կազմեց Լ. Ս. Խաչիկյան, 1958, էջ L XIV:

⁶ Ի դեպ, ողբում կա մի այսպիսի տող. Որդեա՛կ իմ, որդեա՛կ սուլթանշահ (այլ օրինակներում՝ սուլթանշայ, սուլտանշայ), մօրս մա՛սն ու բաժին:

Ողբի վերամշակումով հետագայում Ստեփանոս Սերաստացի եպիսկոպոսի մասին սարքված վկայաբանության օրինակներից մեկում ընդգծվածի փոխարեն կա «պարոն-տէր» բառը (վկայաբանության վերաբերյալ տե՛ս տողատակի մեր N° 9 ծանոթությունը). այսպես՝ Որդեա՛կ իմ, որդեա՛կ պարոն-տէր, վա՛յ քո սպանողին (ձեռ. № 10050, էջ 116ա): Ենթադրում ենք, որ «պարոն-տէր» ընթերցվածը գուցե ողբի հեղինակին է եղել, և վկայաբանության սազացնողն իր ձեռքի տակ ունեցել է ողբի այնպիսի օրինակ. որտեղ դեռևս մուտք չէր գործել «սուլթանշահ»:

⁷ Մատենադարան, ձեռ. № 3884, էջ 139ա—140բ:

դանքը մատնում է և նրա հեղինակի որտեղադի լինելը, նրա բնաշխարհը: Երբ գրական որևէ ժրվելի պատկանելության մասին բացակայում են ստույգ տվյալները, ուրիշ կողմերին առնթիւր Լարևորություն են ստանում նաև տվյալ ստեղծագործության ձևական մոմենտները, եթե նրանք նպաստում են հարցի պարզաբանմանը: «Տաղ Ստեփանոսին» ողբի համար մի այդպիսի ձևական, բայց կարևոր հատկանիշ է տաղաչափությունը: Նրա յուրաքանչյուր երկատող տան առաջին՝ 10-վանկանի բանատողը կազմված է յամբ-անապեստյան երկու անդամից (5—5), իսկ երկրորդ՝ 13-վանկանի տողում նույն հնգավանկ անդամների միջև երևան է գալիս նաև մեկ անապեստ (5—3—5)։ օրինակ՝

Յայնմ առաւօտին / սև չորեքշաբթին

Իներին օրգեցին / արիւնոտ / զգլուխն ի մօրն զոգին:

Այս գեղեցիկ և յուրահատուկ չափը բովանդակ հայ պոեզիայում սակավագյուտ է: Բացի Առաքել Սյունեցու մի շարք բերթվածներից⁸, այդպիսի տաղաչափությամբ մեզ հայտնի է միայն 2 գործ, բոլորն էլ ստեղծված նրանից հետո⁹: Այս ստեղծագործությունները, ճիշտ է, գալիս են ապացուցելու, որ ոտանավորի նշված չափը հատուկ է ոչ միայն Սյունեցուն, բայց և փաստ է, որ այն ամենից ավելի զրսևորվել է նրա մոտ, մի բանաստեղծ, որի հարուստ ստեղծագործությունը Դրյուսովի հիացմունքին արժանացած հայ միջնադարյան քնարերգության ձևերի բազմազանության վառ վկայություններից է:

Նշված չափով Սյունեցու գրած բերթվածների և քննվող ողբի միջև նկատելի են բանաստեղծական ձևի նաև այլ ընդհանուր կողմեր. բերթվածներում ևս տողերը մեծ մասամբ ավարտվում են ին հանգով, տների սկզբնատառերը, բացառությամբ երկուսի («Տաղ Ղազարու յարութեան» և, ըստ Պոտուրյանի հրատարակության, ԼԲ բերթվածները), կազմում են կա՛մ հայերենի այբուբենը (Գ, Թ, Ժ, ԺԱ, ԼԱ բերթվածները), կա՛մ հեղինակի անունը (ԺԴ և Լ բերթվածները), կա՛մ էլ հեղինակի անունն ու բանաստեղծության խորագիրը (ԻԹ և «Մեծի չորեքշաբթի» բերթվածները):

Սակայն ամենազխավորը, որ աղբյուրում է Ստեփանոսի ողբը Սյունեցու բերթվածների հետ, մարդկային ապրումների ու մտորումների բանաստեղծական վերարտադրման համանմանությունն է վերջիններում և ողբում:

Ահա ինչպես է ներկայացված պատվիրանազանց Խվայի ողբալի վիճակը Վասն նախնեացն Աղամայ և կնոջն» բերթվածում.

8 Տե՛ս Հ. Մ. Պոտուրյան, Առաքել Սյունեցի և իր բերթուածները, Վնենտիկ, 1914, Գ, Ժ, ԺԱ, ԺԴ, ԻԹ, Լ, ԼԱ, ԼԲ բերթվածները, նաև Մատենադարանի ձեռագրերում պահպանված՝ «Տաղ Ղազարու յարութեան» (ձեռ. N° 2672, Թ. 230—232) և «Մեծի չորեքշաբթի» (ձեռ. N° 425, Թ. 208) բանաստեղծությունները: Հայ միջնադարյան պոեզիայի մեծ գիտակ Մ. Պոտուրյանը նկատել է. «5—3—5 չափը եզական է Սյունեցուն» (նույն տեղում, էջ Ծ):

9 Դրանցի՛ց անհրաժեշտ ենք գտնում անդրադառնալ միայն մեկին, որը վկայաբանական առաջ է՝ 1387 թ. նահատակված Սեբաստիայի Ստեփանոս եպիսկոպոսի մասին: Հրատարակել է Ալիշանը «Բազմավէպ» հանդեսում (1848 թ., էջ 341)՝ «Ի տէր Ստեփանոս ճաճատակ Սեբաստիոյ» խորագրով և ամփոփ ուսումնասիրությամբ (նույն տեղում, էջ 342—343): Այնուհետև արտատպվել է Հ. Մանանդյանի և Հ. Աճառյանի կազմած «Հայոց նոր վկաները» ժողովածուում (Վաղարշապատ, 1903, էջ 149—150): Պահպանվել է նաև Մատենադարանի N° 10050 (էջ 114բ—116բ) և 7707 (էջ 133բ—135բ) ձեռագրերում: Ալիշանի կարծիքով՝ թերևս դեպքին ժամանակակցի գործ է (տե՛ս «Բազմավէպ», 1848, էջ 342): Մեծահամբավ հայագետը, ըստ երևվույթի, ծանոթ չի եղել Սյունյաց Ստեփանոսի մասին ողբին, որը վկայաբանության անհայտ հեղինակն աներկբայելիորեն իր ձեռքի տակ է ունեցել և առատորեն տողեր քաղել նրանից՝ աննշան փոփոխություններ միայն մտցնելով: Դա ապացուցվում է նրանով, որ երկու երգում համապատասխանող տողերը ողբում, հիմնականում, իրենց տեղում են, ևնթարկված նրա ակրոստիք հորինվածքին, իսկ վկայաբանության մեջ ցրված են, խառնված այլ տողերի և կորցրել են այբբենական հաջորդականությունը: Դիտելու արժանի է նաև հետևյալ հանգամանքը: Հայսմավորքում տեղ է գտել Սեբաստացու արձակ վկայաբանությունը (տե՛ս «Հայոց նոր վկաները» ժողովածուն, էջ 137—148): Սրա և չափածոյի միջև կան բացահայտ տարբերություններ: Անկասկած է, որ արձակի նկատմամբ չափածո վկայաբանության մեջ նկատվող հակասությունը հետևանք է այն բանի, որ վերջինում «Տաղ Ստեփանոսին» ողբից երկու տասնյակից ավելի տողեր են ներառվել և, չնչին փոփոխությունների ենթարկվելով միայն, հարմարեցվել Սեբաստացուն:

Ղօղանջեալ նոռին քնդ ուտել ոլրտլին
Հառաչմամբ զոչէր մորմոհեալ իւր սիրտն ի փոռին

Եւ ի բառեալ ուժգին կրկնեմամբ իլիւ,
Լեալ արեւնախաւի փետտելով զհեռսն իւր ցաւազին: (Ժ քերթված)

Մրան բացահայտ նմանութիւն ունեն ողբի հետեւյալ տողերը.

Լալու, խանդաւառաւ մօր սիրտն ի փոռին,
Պագնէր և դրնէր արիւնոտ զերեսն յերեսին:

Լալու մայրն և ճրէր, խրնդրէր զիւր ողբին,
Ողբալու, հառաչէր, զալարէր աղիքն ի փոռին:

Ահա և մի երկատող Սյունեցու մեկ ուրիշ քերթվածից.

Այլ մայր միածնին կայր քնդղմ խաշին,
Լայր ողորմազին և ողբալու զիւր առաւուածորդիս: (Խ քերթված):

Չնայած առդրված երեք հատվածներում էլ տարրեր է ուրանյութը (մեկում օձից իւրված ծվալի տվայտանքն է ներկայացված, երկրորդում՝ որդեկորույս իրական մոր հառաչն ու լացը, երրորդում՝ ավանդական տիրամոր մորմոքը խաչված Քրիստոսի վրա), նրանք նույնիսկ սակավ բառերով են համընկնում (լայր, ողբալու, սիրտն ի փոռին, ճիշ-ճըշէր, հառաչմամբ-հառաչէր), բայց ներքին տրամադրությունը, հուզական ատուղը երեքում էլ նույնն է: Բանաստեղծական արեւակցությունը նրանցում այնքան որոշակի է, որ թվում է, թե նրանք նույն գրչի արգասիք են: Ի՞նչ քերթվածի հետեւյալ բանատողերի՝

Մի՛ ծագլու արփի զարեչակղ յերկրի,
Ու այսօր քղոյս իմ աչացս՝ մերկ ի խաշ տեսի.—

միտքը համարյա նույնությամբ արտահայտված է ողբում, Ստեփանոսի մոր համար.

Հայլու ի յերկինս յոյժ արտասուազին.
«Արեւ՛, մի՛ ծագլու դու այսօր՝ շտեսնում գրմ ողբին»:

Ողբի ինչ-ինչ հատվածներին հարազատ այդ կարգի այլ օրինակներ ևս կարելի է վկայակոչել Սյունեցու քերթվածներից, բայց բավարարվենք բերվածով:

Կարևոր է նաև հետևյալ քերականական առանձնահատկությունը: Սյունեցին, նախադասություններ կառուցելիս, հաճախ հարարերական դերանվամբ ենթական հանդես է բերում ոչ թե ուղղական), այլ զոր (հսկայական) ձևով: Այս երևույթը, ինչպես նկատել է բանասեր հ. Ն. Տեր-Ներսեսյանը, մասնավորապես ակնհայտ է «Դրախտազրթում»¹⁰: Սյունեցին կազմում է այսպիսի վերջադաս երկրորդական նախադասություններ. «զոր աստ ոչ գոյ», «զոր է յօգուտ ձեզ», «զոր քաղէ զամենեսեան» և այլն: Նույն բանը երևան է եկել նաև ողբում.

Այս է, զոր Խարեաց զկղամն և ասաց...

Մինչդեռ պիտի լիներ. «Այս է, որ խարեաց զկղամն և ասաց»:

Ողբի տաղաչափական, գեղարվեստական-պատկերավորման և քերականական նշված առանձնահատկությունները, այդպիսով, որոշ հիմք են տալիս ենթադրելու, որ նրա հեղինակը, թերևս, Առաքել Սյունեցին է, որի գրական գործունեության եռու շրջանը, համաձայն մեզ հասած տվյալների, համընկնում է XV դարի առաջին տասնամյակին:

Ամփոփենք: Միայն ձևապարզ, բեկորներով մեզ հասած «Տաղ Ստեփանոսին» գործը, չնայած իր փոքր ծավալին, գեղարվեստական և ճանաչողական ակնառու արժեք ունի: Իբրև ողբ՝ այն կարող է դրվել հայ միջնադարյան ողբագրության այնպիսի էրկերի կողքին, ինչպիսիք են Գավթակ Գերթողի «Ողբք ի մահն Ջեանշերի մեծի իշխանին» և Թլկուրանցու «Տաղ քաջի Լիպարտին» ստեղծագործությունները:

¹⁰ Տե՛ս Առաքել Սյունեցի, Դրախտազրթ. հրատարակեց հ. Ներսես Տեր-Ներսեսյան, Վենետիկ, 1956, էջ 45: